



Broj: 01-07-04-3-156/2026

Tuzla, 11.03.2026. godine  
TUZLANSKOG KANTONA  
TUZLA

PRIMLJENO: 12-3-2026.			
Org. jed.	Klasif. znak	Redni broj	Br. priloga
02	02	114-7/26	-

BOSNA I HERCEGOVINA  
FEDERACIJA BOSNE I HERCEGOVINE  
SKUPŠTINA TUZLANSKOG KANTONA**PREDMET: Informacija za tematsku sjednicu Skupštine TK**

Poštovani,

Vezano za akt broj 02-02-114-3/26 od 23.02.2026.godine, povodom pripreme tematske sjednice, dostavljamo informaciju o preduzeću „Koksno-hemijski kombinat“ d.d. Lukavac, na osnovu podataka i dokumentacije kojom raspolaže Kantonalna agencija za privatizaciju Tuzla.

Ukupan kapital privrednog društva „Koksno-hemijski kombinat“ d.d. Lukavac prije provedbe postupka privatizacije, sa stanjem na dan 31.12.1999. godine, iznosio je 357.807.841,00 KM, odnosno 100% kapital bio je u državnom vlasništvu. U postupku privatizacije, koji je proveden metodom javne ponude dionica, privatizovano je 33% ukupnog kapitala društva, dok je preostalih 67% kapitala ostalo u državnom vlasništvu. Kantonalna agencija za privatizaciju Tuzla je dana 13.06.2001. godine donijela Rješenje broj: 19/01-021-2859/2001, kojim se odobrava upis izvršene privatizacije u sudski registar. Prema odredbama navedenog rješenja, neprivatizirani (državni) kapital iznosio je 239.731.000,00 KM, odnosno 67% ukupnog kapitala. Nakon donošenja i izdavanja predmetnog rješenja, Agencija nije provodila aktivnosti koje bi se odnosile na privatizaciju preostalog dijela državnog kapitala.

U dijelu ispunjavanja zakonskih obaveza, preduzeće nije izvršavalo obavezu dostavljanja početnog bilansa stanja sa propisanom pratećom dokumentacijom, niti je vršilo redovno dostavljanje godišnjih finansijskih izvještaja u skladu sa važećim propisima. Posljednji finansijski izvještaji dostavljeni Agenciji odnose se na 2010. godinu. Prema posljednjem dostavljenom bilansu stanja, sa stanjem na dan 31.12.2010. godine, ukupan kapital Društva iznosio je 71.521.384,00 KM, što predstavlja podatak iz posljednje službeno zaprimljene finansijske dokumentacije.

Stečajni postupak nad privrednim društvom „Koksno-hemijski kombinat“ d.d. Lukavac otvoren je Rješenjem Općinskog suda u Tuzli broj 32 0 St 345056 18 od 22.02.2019. godine.

U 2020. godini izvršena je revizija postupka privatizacije predmetnog privrednog društva, pri čemu je Agencija za reviziju privatizacije u Federaciji Bosne i Hercegovine u Rješenju br.01-02-1-102-5/19 od 24.08.2020.godine u tački III. dispozitiva utvrdila da je postupak privatizacije proveden u skladu sa zakonom.

O ulaganjima i eventualnoj daljoj transformaciji kapitala „Koksno-hemijski kombinat“ d.d. Lukavac, Kantonalna agencija za privatizaciju nema saznanja niti dokumentacije.

S poštovanjem,



Dostaviti:  
1 x Naslovu,  
1 x Evidencija,  
1 x a/a.